

Unguentum Stibio-Kali tartarici.*Unguentum Tartari stibiati.*

- R.** Stibio-Kali tartarici subtilissime contriti
 partem unam, 1.
 Adipis suilli partes quatuor. 4.
 Exactissime misceantur.
 Sit unguentum albissimum.

Unguentum Zinci.

- R.** Zinci oxydati venalis partem unam, 1.
 Unguenti rosati partes novem. 9.
 Exactissime misceantur.
 Sit unguentum albissimum.

Veratrium.

Veratrin.

Sit pulvis albus, calore ad massam resinae similem
 liquescens, ignitus sine residuo conflagrans. In aqua
 vix solubilis, in spiritu vini rectificatissimo facile, in
 aethere difficiliter quidem, sed plane solvendus.

Cum acidis conjunctum Veratrium sales efficit, rea-
 ctiones neutras prodentes.

Odoris expers est, particula autem vel minima ad
 nasum appropinquata sternutamentum vehemens ex-
 citat.

In vasis bene clausis cautissime servetur.

Vinum camphoratum.

- R.** Camphorae tritae, 1.
 Gummi Arabici pulverati, singulorum
 partem unam, 1.
 Vini Gallici albi partes quadraginta octo. . . 48.
- Camphorae et gummi exactissime mixtis inter con-
 tinuam agitationem sensim affunde vinum.
 Sit liquor turbidus, coloris albidi.

Vinum Seminis Colchici.

- R.** Seminis Colchici grosso modo pulverati
 partes quinque, 5.
 Vini Xerensis partes viginti quatuor. 24.
- Semen colchici cum vino per dies octo maceratum
 exprime; liquorem filtra.
 Sit coloris e flavo fuscii.
 Caute servetur.

Vinum Stibio-Kali tartarici.

Vinum stibiatum. Vinum emeticum.

- R.** Stibio-Kali tartarici partem unam, 1.
 Vini Gallici albi partes ducentas quadraginta. 240.
- Solve stibio-kali tartaricum in vino, tum filtra.
 Sit limpidum, coloris subflavi.
 In vasis bene clausis caute servetur.